

Վ Ա Ր Փ Ա Ր Ա Ն

ՄԱՆԿԱԿԱՆՈՒԹՅԱՆ ԱՄՍՈՒԳԻՐ

ՓԵՏՐՈՒՄ

1883 Ա. ՏԵՐԻ

№ 7

ՄԱՆԿԱԿԱՆ ԲԱԺԻՆ:

ՄԱԿՈՒՐ ՍՊԻՏԱՆ ՊԱՏ

ԿԺ

ՓՈՅՐԻԿ ՄԱՆՈՒԿԸ ՈՐ ՅԱՆԿԱՆՈՒՄ ԷՐ ՆԿԱՐԻ ԶԳԱՌՆԱԼ:

Բոլոր մանուկները, թէ տղայ և թէ աղջիկ սիրում են սրտակերներ, շատերը սիրում են նաև նկարել: Մինչև անգամ գիւղի տղերքը զարգարում են ագու. տան պաարը տմենազարմանայի նկարներով: Կոշկա-կարի մի փոքրիկ աշակերտ պատի մօտով անցնելիս, միշտ կանգնում էր ու նկարում մի աչքանի կին: Երեւում էր, որ այդ պատկերը նորան շատ զուր էր եկել, որովհետև ամէն անգամ միևնույնն էր նկարում: Ես կարծում եմ, որ չար տղայք սպիտակ պատը շատ են սիրում: Սպիտակ պատի մասին պատմելիս մտաբերում եմ Պետրոս զո Կորածնայի, Իսաակայի Հռչակաւոր նկարչի մանկութիւնը: Պիէտրոն Հօտազ էր Իսաակայի մի

գեղեցիկ գիւղում: Նա նման չ'էր գիւղի բիրտ ու կոպիտ տղերանց, որոնք բացի սև հացի ու մականոնի՝ ուրիշ ոչ մի բանի վերայ չէն մտածում:— Ո՛չ,— նա իր հօտի ետեւից ընթանալով գեղանկար հովիտներով, նայում էր կապույտ երկնքին, մայր մտնող արևի վալլուն շողերին ու մտածում էր, թէ որքան սիրուն է իրան շրջապատող բնութիւնը: Կիրակի և տօն օրերին ծնկաչոք Ս. Աստուածածնի պատկերի առաջ նա այնքան ժամերգութեան վերայ չէր մտածում, որքան այն սլաոկերի մասին, ուր գեղաշնորհ Կոյս Մարիամի նկարն էր դուրս բերած տխուր աչքերով, մանուկ Յիսուսը ձեռին: Պիէտրօն ի բնէ նկարիչ էր, թէև ինքն այդ բանը իր մէջ չէր նկատում: Յաճախ փորձում էր նկարել և միշտ Ֆլօրէնցիայի պատկերազարդ դահլիճների ու գեղարուեստի զարմանալի արտագրութեանց մասին լսելիս, նա ցանկանում էր, նա յոյս ունէր, որ մի օր ինքն էլ կարժանանայ դրանց տեսնելու Ֆլօրէնցիայում: Ֆլօրէնցիայի մասին մտածելիս, յիշեց իր հին բարեկամ Տօմազօն: Նա էլ հօտաղ էր, միայն թէ այժմ ծառայում էր Ֆլօրէնցիայում իբրև խոհարար եպիսկոպոս Սակկետի մօտ: «Երջանիկ տղայ, նա կարող է զմայլվիլ հռչակաւոր պատկերներով, տեսնել անթիւ ու անհամար հիանալի արդիւնքներ» Մի անգամ Պիէտրօն անհետացաւ գիւղից: Մինչդեռ գիւղացիք շփոթուած մտածում էին թէ ինչ պատահեց օտարոտի երեխային, որ այնպէս սիրում է բնութիւնը, նա էլ յետ չը նայելով առաջ էր գնում հեքիաթների փոքր հերոսի պէս. վերջապէս յոգնած ու առանց մի գրօշի հասաւ իր ցանկացած գեղարուեստի քաղաքը: Երկար ժամանակ պտրում էր եպիսկոպոսի ամրոցը և վերջապէս գտաւ Տօմազօն: Տօմազօն աչքերը չօնց նորա վերայ ու զարմացած բացականչեց. «Այդ դժէս Պիէտրօ, քեզ որ բամին բերեց Ֆլօրէնցիայ: Սխար ինչո՞ւ ես այդքան հեռաւորութիւն ոտով եկել այստեղ»:

— Ես եկել եմ սովորելու Տիրամօր պատկերների

նկարելը, համարձակ պատասխանեցէր խան: Ես ուզում եմ նկարիչ դառնալ:

«Աւելի լաւ չի լինի մնաս այստեղ ու խոհարարութիւն սովորես: Ես մտադիր եմ ժամանակով լաւ խոհարար դառնալ: Եստ լաւ բան է — այստեղ խոհարարներին շատ լաւ են վարձատրում: Հաւատացնում ենք եզ, Պիէարօ, այդ բանը նկարչութիւնից շահաւետ է: — Բարեկամս, խիստ լաւ, միայն չես կարող ինձ բան ուտացնել, յոգնած հոգիս դուրս է դալիս: Գործերի մասին լետույ կը խօսենք:

Տօմազօն: Ետեւի դռներով տարաւ իր երկրացուն խոհանոցը, որ սպիտակ ներկած մի վողքրիկ սենեակ էր և խնդրեց այնտեղ տեղաւորուել, իսկ ինքը գնաց եպիսկոպոսի ճաշի մնացորդը բերելու: Տօմազօն շուտ վերադարձաւ, կերակուրը ձեռին: Երկուսով անկողնի վերայ ամէն բանը դարձրած խնայող և ուրախ ու գոհարթ ճաշկերութիւն սարգեցին, ուրախ ժամանակ անցնելով: Նրանք շատ երջանիկ ու բաւական էին: Երբ արդէ մտաւ ժամը — հ, այս բոլորը շատ լաւ, ասաց Տօմազօն, պարտաւ եմ ամէն բանից քեզ բաժին տալ — թէ՛ ճաշից և թէ՛ անկողնիցս, քանի որ չեն խմացել: Բայց նկարչութիւնդ, ինչ պիտի անես, փող ունիս արգէօք թուղթ ու մատիւներ գնելու:

— Ես մի գրօշ չունիմ, ասաց Պիէարօն, ոսկորը անուշ կրծելով, բայց չէ որ կարող եմ քո ուսմանից մասն ստանալ, քեզ համար խօսք միւսնոյն է, բարեկամս:

— Բայց ես ուսմիկ չեմ ստանում, ասաց խեղճ Տօմազօն, ինձ լաւ են կերակրում և ես առ ժամանակ անուսմիկ եմ ծառայում: Պիէարօյի բանը բոլոր էր: Նա որքան էլ չը սիրէր նկարչութիւնը, այնուամենայնիւ ոսկորտանքով ու ճաշի մնացորդով անկարելի էր նկարել: Բայց չէ որ թղթի փոխարէն նա մի որ և իցէ բանի վերայ կարող էր նկարել:

Նա չը վհատեցաւ, յետ նայեց և տեսաւ խոհանոցի սպիտակ ու մաքուր պատերը: Դրանք կը հարկաւորուին, խոհանոցից էլ այրած փայտի կտոր կը հանի և այդպիսով ածուխ կունենայ և սպիտակ պատեր— ուստի առ ժամանակ կարող է գծագրութեամբ պարապել, մինչև որ մի աւելի լաւ բան լոյս ընկնի:

Առաւօտից մինչև երեկոյ նկարում էր, ջնջում ու թրև գալի պատկերների գահլիճներում, աշակերտներին դիտում ու յետոյ վերագառնում նորից գծագրում ու ջնջում: Այդպէս շարունակում էր մինչև մի երջանիկ օր՝ Տօմազօն ամբողջ կրօնի (մէկ կրօնը հաւասար է 1 ր — 50 կոպէկի) տէր դարձաւ: Երջանկութեամբ և բաղտաւորութեամբ տուեց այդ փողը իր թագկացած բարեկամին: Պիէտրօն փողը տեսնելիս ուրախութիւնից աղաղակեց: — Երկուսով շտապ շտապ գնացին փող մսխելու մատիտների, թղթի և նկարչութեան այլ պատկանելիքի վերայ: Տօմազօն իր համար ոչինչ չը թողեց: Այնուհետև Պիէտրօն աւելի մեծ ջանքով բոլորովին ուրիշ տեսակ էր աշխատում առաւօտից մինչև գիշեր: Լուսադէմին գնում էր ու համբերութեամբ նկարում էր Փլօրէնցիայի շրջակայքը, որ Եւրոպայի ամենագեղատեսիլ քաղաքներից մէկն է: Փլօրէնցիան լի է հոյակապ եկեղեցիներով, մեծ ու սքանչելի պալատներով, պատկերների գահլիճներով և գրադարաններով, որոնք բաց են ժողովրդի համար. այստեղ կան հրաշալի արձաններ, կիսարձաններ, գրօշակներ. մէկ խօսքով կայ այն բոլորը, ինչ որ կարող է նկարչին զարգացնել: Կարող էք երևակայել թէ ի՞նչպիսի զարմանքով և յափշտակած նայում էր այդ բոլորին գիւղացի տղան: Մի քանի օր շարունակ նա մէկ տեղից միւսն էր անցնում:

Երբեմն նա զմայլվում էր եկեղեցու հոյակապ գաւիթով, երբեմն ժամերով կանգնած աւազանի առաջ հիանում էր նորա շողջողուն ջրերով: Նա սաստիկ աշխատելուց յետոյ յոգնած և նուազած ստիպուած էր

վերադառնալ Տօմազօի բնակարանը: Այստեղ բարձի տակ պահած էր նորա բաժինը: Ճաշից յետոյ ցոյց էր տալիս իր բարեկամին՝ նոր նկարներ, որոնք թէև շատ զարմացնում էին Տօմազօին, այնու ամենայնիւ նա հաւատացնում էր, որ խոհարար լինելը աւելի օգտակար է:

Այսպէս անցաւ երկու տարի: Առաջի ամսուայ թոյլ գծագիրները, այժմ արդարեւ շնորհքով էին նկարուած: Փոքրիկ սենեակի պատերը զանազան տեսակ նկարներով զարդարուած էր: Պիէտրօն մեծ ջանքով էր աշխատում, իսկ Տօմազը իրան յատուկ բարեհոգութեամբ բաժանում էր աշխատածը: Նրանք թէև շատ խեղճ բայց և շատ եղջանիկ էին:

Բայց ահա նրանց կեանքում մի սաստիկ և փոքր ինչ օտարոտի՝ փոփոխութիւն եղաւ: Հօր-Եպիսկոպոս Սակկէտի ուղեց իր տունը մի քիչ նորոգել: Կանչեց ճարտարապետին նրանից խորհուրդ հարցնելու այդ բանի մասին: Ճարտարապետը դեռ չը տեսած խոհանոցի քունջ ու պուճախը, որոշակի ոչինչ չէր կարող ասել: Եպիսկոպոսը ճարտարապետի հետ միասին մտան իւր փոքրիկ խոհարարի ննջարանը: Սենեակը դատարկ էր, իսկ պատերը ծածկած էին նկարներով, որոնք զարմացրին թէ եպիսկոպոսին և թէ ճարտարապետին: Այս ինչ է, հարցրեց Սակկէտին, միթէ փոքրիկ խոհարարը կարող է այսպէս նկարել:

Եւ հրամայեց որ նորան իսկոյն կանչեն: «Շատ շնորհալի տղայ է երևում: Ես նորան կ'օգնեմ և ժամանակով նա Փլօրէնցիայի պարծանքը կը լինի»:

Հէնց իսկ այդ բոլորն զխեցած ու շփոթուած մտաւ Տօմազօն: Նա կարծում էր, որ սրբազանը Պիէտրօի խրժրժտիլը տեսաւ ու իմացաւ, որ նրան թաղուն պահում էր ու կերակրում և որ նա երկուսին էլ խայտառակ կերպով տանից դուրս կ'անի:

— Այստեղ եկ, Տօմազօ, ասաց եպիսկոպոսը. այստե-


Հետև խոհանոցումն էլ չ'ես ծառայիլ: Են սխալուելեմ քեզ խոհարար նշանակելով: «Մի գուրս անէք ինձ, սրբազան Հայր, աղաչում էր Տօմազօն արտասուելով: Ինչ կանի խեղճ Պիէտրօն եթէ ինձ գուրս անէք. նա պիտի նկարիչ դառնայ, նա քաղցածութիւնից կը մեռնի, մշակութիւն կանեմ միայն թէ կերակուր աշխատեմ նորա Համար: Աղաչում եմ ձեզ մի Հեռացնէք ինձ, ես բոլորը ընկերոջս Համար էի անում»: Այս խօսքերից եպիսկոպոսը իմացաւ, որ նորան Հիացնող պատկերների ստեղծողը Պիէտրօն է. և ոչ թէ իւր խոհարարը: Գգուանքով քաջալերեց Տօմազօն և խնդրեց Հէնց իսկ ընկերոջ վերադառնալիս նորան իր մօտ բերել: Գիշերն անցաւ, միւս օրն էլ, բայց Պիէտրօն չէր երևում: Վերջապէս մէկ շաբաթից յետ եպիսկոպոսն իմացաւ, որ տղան մօտակալ վանքերից մէկումն է և գուրս է նկարում Ռաֆայէլի նկարած Տիրամօր պատկերի Հիանալի օրինակը: Վարդապետները լուզում էին Համոզել շնորհալի պատանսւն իրանց մօտ մնալու, բայց Պիէտրօն նոր բարերարը յետ բերել անուց նորան Փլօրէնցիայ և յանձնեց ամենալաւ նկարիչներից մէկին, ուր նա իր բոլոր ընկերներին գերազանցեց, որովՀետև նոցանից ընդունակ և աշխատասէր էր: Պիէտրօն բնակվում ու աշխատում էր թէ Փլօրէնցիայում և թէ Հռոմում: Ծանալարհորդները մինչև այս օրս զմայլվում են նորա պատմական նկարներով Գօթրբէրինօի պալատում: Նա նկարում էր հրաշալի կերպով և սիրում էր ազդու ու պայծառ ներկեր: Թէև շատերը զարմացած են մնում նորա նկարները տեսնելիս, այնու ամենայնիւ շատ չէ նորա պատմութիւնն իմացողների թիւը, թէև նորա անունը այն անուններից մէկն է, որոնցով Իտալիան պարծենում է: Իսկ Տօմազօն: Նա իսկույն տարի շարունակ Պիէտրօի ամենալաւ բարեկամն էր և երբ երկուսն էլ ծերացան

դարձեալ միասին բնակուեցին Ֆլօրէնցիայի ամենասքանչելի դղեակներից (ամրոց) մէկում: Ի հարկէ, նրանք յաճախ ծիծաղում էին յիշելով իրանց մանկութիւնը, թէ ինչպէս կերակուրը բարձի տակ էին պահում և այլն:

Այո, փոքրիկ բարեկամներս, եթէ ուզում էք մի որ և իցէ բան լաւ շինել, պիտի աշխատասէր և տոկուն լինիք. ով ձեզանից մի առանձին սէր է զգում դէպի մի որ և իցէ պարապմունք, լըջօրէն պիտի ձեռն տայ այն գործին: Եւ լաւ միտը պահէք, որ լաւ նկարելու համար բաւական չէ միայն կտաւ ու ներկ: Ուրիշ գործքերումն էլ յաջողութիւն են ունենում շատ զրկանքներից, համբերութիւնից և տոկուն աշխատանքից յետոյ: Այժմ իհարկէ սովորելու այնքան միջոց կայ, որ տանից փախչելն էլ հարկաւոր չէ: Ֆլօրէնցիան շատ երևելի նկարիչներ է տուել աշխարհին, որոնցից ամենահռչակուած է Լէօնարդո դա Վինչի: Պատմում են, որ դասի ժամանակ այնպիսի մի սքանչելի հրեշտակ է նկարել, որ ուսուցիչը վհատած բոլորովին թողել է նկարչութեան պարապմունքը: Լէօնարդօ դա Վինչին մի այլ անգամ միտք դնելով նկարել մի առասպելական հրեշ, նա իր տունը չղջիկներով, օձերով, գորտերով ու ամէն տեսակ սողուն կենդանիներով լցրեց: Ուշադրութեամբ զննում էր նրանց, որպէս զի ճիշտ իմանայ թէ նրանց մէջ զգուելի իսկապէս ինչ է և յետոյ միայն սկսեց իր աշխատանքը: Նա այնպիսի սարսափելի գլուխ նկարեց, որ նորա ծերունի հայրը այդ նկարը տեսնելիս սարսափով փախաւ: Այդ օտարոտի պատկերը մինչև օրս կարելի է Ֆլօրէնցիայում տեսնել: Այդ օրինակը մեզ ցոյց է տալիս, թէ երևելի մարդիկ ինչպիսի աշխատասիրութեամբ և տոկունութեամբ են վերաբերվում իրանց գործին, որքան էլ դժուար չը լինէր այդ գործը:

Թարգ. Օր. ՄԱՐԻԱՄ ՄԱՏԻՆԵԱՆ.

ՆԱՊԱՍՏԱԿՆ ՈՒ ՎԱՀՍՆԸ*):



Փոքրիկ Վահանը նապաստակ
Դեռ չէր տեսել իւր կեանքում.
Յանկարծ մի օր թփի տակ
Պատահեցաւ այդ կենդանուն:

«Այս Բնչ գազան է, Տէր Աստուած»
Մտածում էր անփորձ տղան,
«Կու՛լ կը տալ ինձ անկասկած,
Եթէ այստեղ երկար մնամ»:

Դողը բռնեց նապաստակին,
Կարծելով թէ նա որսորդ է.
«Թէ՛ւ», առայ, «սա՛ զէնք չունի,
Բայց և այնպէս շատ զօրեղ է»:

Նայում էին սոքա միմեանց
Մի կարճ միջոց ահ ու դողով.
Եւ լուռ ու մունջ նոքա լանկարծ
Այս կողմ այն կողմ փախան շուտով:

Թարգ. Դ. Տ. Ա.

*) «Семья и школа», 1880 № 5.

ՃՇՄԱՐՏԱՍԵՐ ՄԱՆՈՒԿ *)

Մօտենում էր ծննդեան տօնը: Նշանակը շատ ցուրտ էր և սլարզ: Ուսումնարանի մի մեծ դասարանում նստած էին մօտ 50 երեխայք և լսում իրանց վարժուհււ պատմած վէպը: Առաջիկայ արձակուրդի առիթով գրագիտութիւն ուսուցանող վարժուհին դաս տալու փոխանակ, պատմում էր մի վէպ մանկական կեանքից: Պատմողը խօսում էր պարզ, ազդու և այնպիսի ոգևորութեամբ, որ գրաւել էր իւր ունկնդիրների ուշադրութիւնը:

Պատմութեան բովանդակութիւնը՝ մի ճշմարտասէր երեխայի մասին էր: Երեխան իւր արդարասիրութեան համար շատ նեղութիւն էր կրել, ծաղրելու առարկայ էր դառել իւր ընկերների համար, մեծերից էլ շատ անբաւականութիւն տեսել, շատ զրկանքների և փորձանքների հանդիպել, բայց և այնպէս ոչ մի անգամ սուտ չէր ասել և մի անկարգ վարմունք չը գործել: Եւ դորա համար վերջը նորա առաքինութիւնը ամէնքը գնահատում են, բոլորն էլ նորան յարգում, թէ իւր ընկերները և թէ իւր մեծերը:

Փոքրիկ երեխայի պատմութիւնը սաստիկ ոգևորել էր աշակերտներին: Պատմողը երբեմն քննական աչք գցելով մանկանց վրայ նկատում էր, որ նորա ունկնդիրները երեխայի տարաբաղդութիւնները լսելիս լացակրթնում էին և նոցա աչքերը փալլում, երբ երեխան փորձանքից ազատուելով պահպանում էր իւր ճշմարտասիրութիւնը:

Մանաւանդ մեծ ուշադրութեամբ լսում էին այն պատմութիւնը երկու տասը տարեկան երեխայք, որ աւելի մօտիկ էին նստած: Այս երկու երեխանցից մէկը հագնուած էր թէպէտ և մաքուր, բայց երևում էր որ չքաւոր ծնողների որդի էր, իսկ միւսը աւելի լաւ հագուստ ունէր: Այնպէս ոգևորվում էին սոքա տեղ տեղ, որ աւամայ բերաններից թռչում էր պատմածի առիթով՝ «անպիտան», «փուչ» և «շատ գեղեցիկ է» բառերը:

Պատմութիւնը վերջացնելուց յետոյ վարժուհին աւելացրուց, թէ ամէն մէկդ էլ կարող է իւր կտրողութեան չափ հետևել այն երեխայի օրինակին և լինել ճշմարտասէր և պատուելի: «Եւ ճշմարիտ որ սուտ խօսելը վատ բան է եղել» կրկնեցին իրանց սրտի մէջ շտտերը, «այդ էլ մի մեղք է» և ցանկանում էին շատ ու քիչ նմանիլ այն երեխային: Շուտով աշակերտները արձակուեցան և բոլորն էլ շտապով վազեցին դէպի իրանց տները:

Իսկ յիշեալ երկու աշակերտները մնացին իրանց տեղերումը անշարժ. նոքա կարմրել էին և զրգուել այն պատմութիւնը լսելիս:

— Ի՞նչ լաւ է արել երեխան, ասաց չքաւոր մահուկ Տիգրանը ինքն իրան:

— Ի՞նչպէս սիրուն է վարուել նա, գուրս թռաւ նորա ընկեր Արշակի բերանից. ի՞նչ լաւ կը լինի որ յանկարծ մենք էլ նորա նման դառնանք:

— Ես էլ այդ էի մտածում, ասաց վճռողաբար Տիգրանը:

— Ե՛կ, խօսինք, մտածենք դորա մասին, ասաց ոգևորուած Արշակը, միայն ոչ այստեղ, որովհետև դասարանը շուտով փակելու են, այլ ճանապարհին:

Հաւաքեցին իրանց գրքերը և դուրս գնացին:

Ճանապարհին Արշակը Տիգրանին ասաց թէ՝ «ես շատ սիրում եմ մեր վարժուհու պատմութիւնները և ի՞նչպէս պարզ է և հասկանալի: Ի՞նչ ես կարծում,

Տիգրան, այդպիսի գրքերն մէջ գրած պատմութիւնները ուղիղ են արդեօք:

— Ես կ'արժուում եմ ուղիղ պիտի լինին, Հաստատութար պատասխանեց Տիգրանը, ինչո՞ւ պիտի խաբեն. ո՛չ, ուղիղ կը լինի և վարժուհին ասաց, թէ դուք էլ կարող էք լինիլ այն երեխայի պէս:

— Միտդ է՞, ասաց Արշակը, ինչքան նեղացնում, չարչարում էին այն երեխային, բայց նա երբէք չէ թող տուել իրան սուտ ասելու. «ինչ կամենաք արէք ինձ, պատասխանում եր նա ամէնքին, ես էլի ուղիղը կասեմ»:

— Ե՛կ մենք էլ խօսք կապենք այնպէս վարուելու, ասաց Տիգրանը:

— Ահա՛ այսօր Մնացականեանը քարեգրիչ խնդրեց ինձանից, ես նրան պատասխանեցի, ասաց Արշակը, թէ չունիմ. բայց գրպանումս ունէի քարեգրիչ և գիտենալով որ նա այլ ևս չի վերադարձնի, ես սուտ խօսեցայ: Ափսոս:

— Միւս անգամ ուրեմն կամ տո՛ւր խնդրածը, եթէ ունիս, պատասխանեց Տիգրանը, կամ ասո՛՛ թէպէտ ունիմ, բայց ինձ էլ պէտք է:

— Ես սուտ չեմ ասիլ այլ եւս, ասաց Արշակը:

— Ես էլ միշտ ճշմարիտը կասեմ, վրայ բերեց Տիգրանը: Ուրեմն չը մոռանանք. խօսքը խօսք է. Վաղը որ պատահինք, պատմենք թէ ինչպէս ենք մեր խոստմունքը կատարել:

Երեխայք Հեռացան միմեանցից և դնացին ամէն մէկը գէպի իրանց տուն:

Տիգրանը մի վերստաչափ ճանապարհ ունէր անց կենալու և այն թեթեւ հագնուած և մաշուած կօշիկները ոտին: Սաստիկ մըսում էր. ցուրտը որ շատ նեղացրուց, վազելով դնաց շուտով տուն հասնելու:

Նոցա բնակարանը մի յետ ընկած նեղ փողոցումն էր և բաղկացած էր մի սենեակից: Մի փոքրիկ նախասենեակում կային ջրի ամանը, մաղը, լուացքի թաբաղը

և կոտորած աթոռներ: Սենեակումը մի պատուհանի մօտ նստած էր նորա տասնուվեց տարեկան քույրը կարը ձեռքին: Նա շտապով կարում էր շապիկ, ժամանակ ժամանակ սառած մատները իւր բերնաշնչով տաքացնելով: Սենեակի մի անկիւնում պառկած էր թախտի վրայ նորա չորս տարեկան քույրը, որ ինչպէս երևում էր հիւանդ էր և մօտը նստած էր մի հասակաւոր կին—նորա մայրը հին մաշուած հագուստով:

(Սը շարունակուի)

Թարգ. Գ. Տ. Ա.

ՁՈՒԱՐՃԱՆԻՔ, ՀԱՆԵՆՈՒԿՆԵՐ, ԽՆԴԻՐՆԵՐ.

Վեցերորդ համարի մէջ գտնուած զուարճալիքների բացատրումներ:

- 37) Ժամանակը դրամագլուխ է ու պատանի խոհեմութեամբ գործ դիր:
- 38) Սպիտակ տակառիկ, մէջը երկու ցեղ ըմպելիք. (ձու:)
- 39) Սուտ ասողի տունը կրակ ընկաւ, ոչ ոք չը հաւատաց:
- 40) Հազարից մի անգամ զատիկ՝ էն էլ նաւակատիկ:
- 41) Ա ն ա Գ
 Բ ե ս Ա
 Ա ր ա Մ
 Ք ա բ Ա
 Ս ի ս Ե Ռ
 Ի ն չ Ք
 Ա ն ն Ա
 Բ է շ Թ
 Յ ք Ի
 Ո Ի ն ա Պ
 Ն Ա
 Ք ա Հ ա ն ա Յ

- 42) Բանալի: 43) Սղբեր: 44) մարդ. դրամ:
45) Զրադայ: 46) գետ: 47) Ամիս. ամ. միս. ամի.մի:

Ամսագրիս չորրորդ համարի մէջ գետեղուած № 24 խնդիրը մենք արդէն բացատրել ենք:


Այժմ այդ խնդրի գուարճալի մեկնութիւնը, որ ստացել ենք Յ. Ք. Տ. Յ-ից այնքան սրամիտ է, որ մենք

մ	ա	հ	ա	կ
ա	ւ	ա	ղ	
հ	ա	ւ		
ա	ղ			
կ				

աւելորդ չենք համարում այդ բացատրութիւնը այստեղ բերել: Յիշեալ անձը ահա թէ ինչպէս է մեկնում այդ խնդիրը՝ հետեւեալ նախադասութեամբ՝ «Մահա-կը հաւին դիպած, տէր՝ պառաւը՝ աւանդ

հաւ՝ կը գոչէ, իսկ դիպցնողը՝ եփելուց յետոյ՝ աղ կը կանչէ, և վերջին «կ» տառովը՝ իւր ընկերներին՝ կերէք ասել գուղէ:

48) (Առաջ. տասնամեայ մանուկ՝ Շուշեցի Ղուկաս Տէր-Մկրտչանցի:)



Դ 1



ուղիւր որ

էն բառի
նոյնանիշը



սը տալ:
սը

49. Առաջ. Ներս. Դպր. 6 դաս. աշակ. Բարդ. Խորովեան:

ԱՆՔ



ՍԳԱՔ




Ը:

50. Առաջ. Դէորդ. Ճեմ.ա. Լսար. Ուսան. Տ. Յովհաննիսեանի:




որս



Գ 56



ն ն ն
ն ն ն



նեն նեն նեն
նեն նեն նեն

Ե

51) Առաջ. նոյն անձի.)



ԲՅ



ԻՍ Ճ



ՎԵՆ:


52) Առաջ. ներս. Դպր. 4 դաս. աշակ. Նրուանդ Պալեանի)

Մի պսակ ունիմ վեց հատ աստղերից
 Քաղեւ եմ նախկին ծանօթ դարերից,
 Բացի մի հատից մընացած հինգին
 Սկզբնատառերն նոյն հնչիւնն ունին:
 Առաջին աստղն է համաստեղութիւն,
 Մի տառը բաց թող ազգի է անուն.
 Երկրորդը երեք վանկից կը կազմի
 Երեքից մինը մի մասն է ծառի:
 Երրորդին մէջը թէ որ լաւ փնտռես
 Տարուան գեղեցիկ ամիս կը գտնես.
 Իսկ չորրորդ աստղը երկու բաժանէ
 Երկրիս մասերին, հինգին մէջ ցլըռուէ,
 Գընա ու փընտռուէ մէկին կսմ միւսին
 Մէջը կը գտնես մի մասն ալն աստղին:
 Իսկ հինգերորդից բաց թող դու մի տառ
 Աջից ու ձախից կարդա հաւասար,

Որգւոյն կը գտնես դու վեցերորդին
 Ծանօթ սիրելի ամէն մի հային:
 Ով գտնէ այս վեց աստղերի անուանք
 Նորան կընծայեմ այս անգին սլօակ:

53) Առաջինը — ձայնաւոր տառ է, երկրորդը — մեր աչքերին
 վնասում է, իսկ ամբողջը՝ մեզ տաքացնում է: Իմա-
 ցէք Քնչ է:

54)



Ներկայ աղիւսակի մէջ դասաւորել 6 տ.
 4 պ. 2 տ. 2 հ. 1 ն. 1 դ. 1 կ. 1 գ. 1 ր. այն-
 պէս որ կարգացուի վերեւից ներքեւ. յե-
 տոյ աջից ձախ և հակառակ՝ նշանակու-
 թիւն ունենալով:

55) Երկու գիւղացի գառներ էին քշում ծախելու: ձա-
 նապարհին նոցանից մէկը ասաց իւր ընկերոջը՝
 — Եթէ դու քո գառներից մէկը ինձ տայիր, ես այնքան
 կ'ուսենայի որքան և դու:
 Սիւսը պատասխանեց՝
 — Եթէ դու ինձ գառներից մէկը տայ՝, ես կ'ուսենայի
 երկու անգամ աւելի քան թէ դու ունես:
 Հաւց՝ Գիւղացիներից իւրաքանչիւրը որքան գառն ունէր:

ԽՐԱԳԻՐ—ՀՐԱՏԱՐԱԿՈՂ Ն. ԽՈՍՐՈՎԵԱՆ

Дозволено цензурою. Тифлисъ, 14 Февраля 1883 г.

Типография М. Вартамянца и К. противъ Троиц. церк.

«Վարժարանի» խմբագրութիւնը խնդրում է այն բաժանորդներին, որոնք դեռ մինչև այժմ չեն վճարել տարեկան բաժանորդագինը, բարեհաճեն հատուցանել. հակառակ դէպքում խմբագրութիւնը ստիպուած կը լինի դադարեցնել հետևեալ համարների ուղարկելը:

Դուրս եկաւ «ԱՂԲԻԻՐԻ» առաջի համարը չհտեւեալ բովանդակութեամբ:

Հնորհաւոր նոր տարի. Բանաստեղծութիւն:—Ուրիշի բունը քեզ բուն չի դառնալ. ծիծեռնակների կեանքից:—Օձամանուկ և արևահատ (Տէքիաթ):—Թագաւորն ու արհեստաւորը (վրացերէնից) Աղաւնիներ (Տուրգենեից):

ԱՅԼ ԵՒ ԱՅԼՔ.

Մի դիւրոգ. — Դեմոսֆենի խորամանկութիւնը:—Մի սրամիտ խորհուրդ:

ԶՈՒԱՐՃԱԼԻՔ.

Հանելուկներ (7 հատ.) — Հուտասելիք:— Տպարանական հանաք:— Հետաքրքիր թիւ:— Հախմատ խաղի վրայ հիմնուած մի խնդիր:— Բերուսներ (2 հատ):— Թեթեւնիկ. երգ. նոտաներով:

ԵՐԿՐՈՐԴ ԲԱԺԻՆ.

Խմբագրութեան կողմից:

ՄԱՏԵՆԱԽՕՍՈՒԹԻՒՆ.

Իմ նամակները:

ՄԱՀԱՑՈՒՑԱԿ.

Վհահափառ Վաթողիկոս Գէորգ Դ. — Տիկին Նատալիա Միրզոյեանց:

ԽԱՌՆ ԼՈՒՐԵՐ.

Բաժնի «Տարուայ չորս եղանակները» — Սալափեվ-Նէսմելով. — Օր. Ն. Տ. Մ. աշխատութիւնները. — «Աղբիւրի» նուիրողները:— Խմբագրութեան ստացած գրքեր. Սահակայ և Մեսրոփայ՝ պատկեր Ջրկինեանց ուսումնարանի նուիրատուն: Աղբիւրի պատասխանները:— Յայտարարութիւններ:

ՀԱՅՈՒՆԵԱՅ ԲԱՐԵԳՈՐԾԱԿԱՆ ԸՆԿԵՐՈՒԹԵԱՆ ՎԱՐ-
ՉՈՒԹԻՒՆԸ որոշել է առաջիկայ 1883 թվականի Ապրիլի
ամսից ունենալ Հայ օրհորդներից մի որդեգրուհի, Ս. Պետեր-
բուրգում մանկավարժութիւն կամ բժշկականութիւն ուսանե-
լու համար: Որդեգրուհի լինել ցանկացող անձն աւարտած
պէտք է լինի իւր ուսման դասընթացը ԳԻՄՆԱԶԻՕՆՈՒՄ՝
ՆԱԽԱՊԷՍ ՀԱՅՈՅ ՄԻՋՆԱԿԱՐԳ ՈՒՍՈՒՄՆԱՐԱՆՈՒՄ ԱԻԱՐ-
ՏԵԼՈՒՅ ՅԵՏՈՅ: Այսպիսիք իւրեանց առաջարկութեամբ թող
բարեհաճեն դիմելու վարչութեանը, ներկայացնելով թէ՛ Գիմ-
նազիօնի և թէ՛ Հայոց միջնակարգ Ուսումնարանի վարչու-
թիւններից ատացած վկայագիրներ:

„ՎԱՐԺԱՐԱՆԻ“ Խմբագրութիւնը, փոխադարձաբար ըն-
դունելով Կ. Պօլսում հրատարակողը „ԲՈՒՐԱՍՏԱՆ ՄԱՆ-
ԿԱՆՅ“ մանկական թերթի ԳՈՐԾԱԿԱԼՈՒԹԻՒՆԸ, որտեղ
ունի սորանով յայտնելու, որ բաժանորդ գրուել ցանկացողք
կարող են դիմել Խմբագրութեանս, վճարելով կանխիկ տա-
րեկան ՉՈՐՍ ռուբլի:

«Կենդրոնական» և պ. 2. Գրիգորեանցի «Կովկասեան» Գրա-
վաճառանոցներում ի միջի այլոց վաճառվում են ԱՌԱՔԵԼ
ԲԱՀԱԹՐԵԱՆԻ հետևեալ աշխատութիւնները՝

1) Քերականութիւն աշխարհիկ լեզուի	— 25 Կ.
2) Համառօտ գործական Հոգեբանութիւն	1 Ր. — ”
3) Ուղեցոյց Հայ—ուսուցչի—(Մեթօդիկայ)	1 ” — ”
4) Այբբենարան—I տարի	— 4 ”
5) Ընթերցարան II տարի	— 20 ”
6) Մանկական պարտեզը կամ ծաղկոցը և նորա նշա- նակութիւնը	— 5 Կ.